



Universitätsbibliothek Paderborn

**ANATOMIAE LVTHERI || PARS PRIMA.|| Das ist/|| Auß den
Siben boesen Geistern des vil See=||len verlustigen vnd
also tewren Manns D.|| Martini Lutheri, die Drey erste
Geister.|| I. Der Fleischlich ...**

Das ist/|| Auß den Siben bösen Geistern des vil See-||len verlustigen vnd
also tewren Manns D.|| Martini Lutheri, die Drey erste Geister.|| I. Der
Fleischlich geist.|| II. Der Lester geist.|| III. Der Lotter geist.|| ...

Pistorius, Johann

1595

VD16 L 3592

Glossa generalis vff die gantz Erst/ wie auch eins guten theils vff die
Vierdt Azoaram.

urn:nbn:de:hbz:466:1-35656

gefület/ der doch mit vilen vnd mancherleien Sorgē wol versucht vñ geübt war/ Was solten faule/müssige/gemeste Maß- sev die Mönche nit fülen? Ach/ lieber Gott/ der sachen/ die Gott geschaffen hat/ ist nicht also zu helfßen/ Dass was ist das anders/ daß die natürliche Schöpfung wollen zwingen vnd dempffen? (Ergo hat sie Luther nie wollen zwingen. Ergo ist er ein Sodomit/ oder Verhurter Münch zwey vnd zwenzig Jar lang gewesen. Denn er ohn zweifel im zwenzigsten Jar seines Alters die natürliche schöpfung schon gefület/ Aber noch in zwey vnd zwenzig Jahren sein Eatherlin nicht genommen. Weil dann der sachen nicht anderst zuhelfßen ist/ So rath Räther gut/wie ist es dem Luther die 22. Jar gangen? Oder ist vilelleicht besser/ Man sag/ Luther lieg wie ein Bub? (Concedo ytrunque, Prämissas & Conclusionem.)

GLOSSA GENERALIS vff die ganz Erst/ wie auch eins guten theils vff die Vierdt Azoaram/ des Ersten bösen Geists.

Sennach vilelleicht die Lutherischen etliche angezogene vnd eingefüerte Sprüch. Das kein Mensch sich enthalten könn/ damit entschuldigen möchten/ Das dan noch Luther jederweilen darzu sagt vnd anmeldt/ daß er von denen Personen rede/ so die gab der Keuscheit nicht empfangen/ Also hab Ich notwendig gehalten/ vor ihrer Einred darauß zu antworten/ vnd zu erweisen/ Das angeregte entschuldigung durchaus vnuersenglich/ vnd der sachen vndienstlich sey.

Dann ob man wol meynen wolt/ als necht Luther die gab der Keuscheit ein solche Gottes genad/ dadurch ein tüchtiger Mensch sein tüchtigen Leib von fleischlicher vermisching abziehen vnd ohn unkeuscheit leben könn/ Verstehet er doch vil ein anders dadurch/ vnd lesse niemand diese gab haben/ Als allein diejenige/ so von Gott auf tüchtigen Menschen vntüchtig gemacht werden/ vnd weiters kein Anfechtung oder brennen des Fleischs überall fülen/ sonder so vil als vntüchtig gemachte sein/ Inmassen er sich allenthalb dahin erklärt/ vnd nemlich erstlich im

E 2 ersten

ersten theil vom Ehelichen leben fol. 148. da er sagt/ Dass die so sich selbst beschneiden/ seien diejenigen/in welchen Gottes gnad also mächtig regier/dass das erst Gottes Wort(Wachset vnd mehret euch) ein platz an ihnen hab. Zum andern schreibt er ebenmässig daselbst fol. 147.b. Dass Gott allein vnd selbst ein Menschen aufziehen muss/die Keuscheit halten wolle/Damit er gleichsam Christum straffet/als hett er vurecht gesagt/ Dass etliche Menschen/ gleichwohl durch Gottes gnad/aber doch sie selbst sich beschneiden. Dann wann es Gott allein vnd selbs thut/ So muss Christus der warheit gefchlet haben/ da er sagt/ Dass etliche Menschen sich selbst beschneiden. An welchem on Luther die gab der Keuscheit auch aufrücklich dahin vermerkt/dass nemblisch bey der gab der Keuscheit niemand sich tüchtig zur Ehe befunden soll.

Nicht weniger lese er sich andertwo noch gröber verlaufen/vnd wil/Dass Gott einen sonderlich vnd mächtiglich aufziehen vñ der Natur krafft nemen(vom Ehelichen leben fol. 156). Und in der ursach Warumb Jungfrauen Kloster ic.) vnd durch ein sonderlich gab sein Geschöpff vffhalten/(diuersis locis) Item durch seine hohe sonderliche gnad vnd Wunder die Natur endern oder hindern/(Im buch Dass die Eltern die Kinder ic.) vnd auf einem Menschen ein Engel durch ein Wunderwerk machen/(Im brieff an Reissenbusch) Weiters die Natur aufzorren/(Tom. 2. fol. 114.) vnd in Sunma ein Mann ohn alle besindung fleischlicher Lust vntüchtig(vom Ehelichen leben fol. 147. & 158. vnd Tom. 4. fol. 13. &c.) machen muss/Auch sonst vnmöglich sey/ dass ein Mensch/ der sein Natur besindet/sich enthalten mög.

Auf welchem allem des Luthers meynung/ vnd was er die gab der Keuscheit nennt/ohnschwerlich zu spüren vnd zu schlissen ist/Niemblisch/ Dass Luther nicht ein solche gab/dadurch ein Christlicher Mensch durch sein selbst in der gnad Gottes ritterliches kempfen/da er wol zur Ehe tüchtig were/dannoch Keuscheit hält/Sondern ein andere gab meyne/ dadurch ein Mensch durch Gott allein vnd selbst/ohn des Menschen ratz vnd willen/ auf einem tüchtigen Mann zu einem vntüchtigen Menschen gemacht vnd dahin gehalten würde/dass er/da er schon wol/ nit sündigen könde. Welches aber zwischen uns nicht gefragt oder befritten wird/ Ob einer der vntüchtig von Gott gemacht sey/ Keusch leben

leben mög (Dann solches für sich selbst wahr sein vnd volgen müs) Sondern ob ein Mensch durch die gnad Gottes sich selbst beschneiden köm/Das vnangesehen des Leibs tüchtigkeit er dañoch das Fleisch zemen/vnd alle Anfechtung mit der gnad Gottes überwinden könn.

Der wegen der Lutherischen entschuldigung mit des Luthers vorbehalt sie nichts aufztrage/ vnd haben sie damit weder Luthern noch sich zubeschönern/ Sondern bleibt einmal dabey/ Das Luthers irrige/närrische meynung dahin gangen/ daß einem tüchtigen Mann/ bey dem die Natur/durch Gott allein vnd selbst nicht vffgehalten/ geendert/ genommen/ verzogen oder aufgedort wirdt/ vñ in Summa/ wer sich ein Man oder Weib befindet/ aller dings unmöglich sey/ ohn heimliche Sünd sich eines Weibs zu enthalten/ Und da er es schon vermög/ thue er doch vrechte/ vñ köm ers am Jüngsten tag gegen Gott/ der jhn darumb sonderlich fragen werd/ nicht verantworten/ Das er nicht ein Weib nem/ Welches ich zu einer vorantwort alhie einführen/ vnd hernach/ waß einer lust haben möchte/ sich gegen mir ferrners einzulassen/ das überig erklären/ vnd des Luthers Freheit besser an tag stehien vnd bringen wil.

Allein woll der Leser sekund bey sich erwegen/ Weil dem Luther kein tüchtiger Mann außerhalb der Ehe ohne Sünd leben kan/ Und der zur Ehe tüchtig ist/ welcher der Natur brust befindt/ vñ geschickt ist Kinder zu zeugen/ Luther aber tüchtig/ vnd ein Mann gewest/ Kinder gezeugt/ vnd brust von Jugendt auff im Münchstand befunden/ Wie Ich hernach in der Sibenden Azoara vmbständlich anbring/ Das derhalb volgen müs/ Das entweder Luther/ wie auch zuvor geschlossen wirdt/ alhie öffentlich liegen/ ob ein grausamer mit Stunzen sünden vñ vnkenscheit beladener Münch jederzeit gewesen sein müs.

Newe Alcoranische Lutherische Gesetz vnd Regul/ auf der ersten Azoara des Ersten Geists gezogen.

Lex Prima.

Gest von Gott gebotten/ vnd ist Gottes Wort/
Das ein jeder Man ein Weth/ vnd ein jedes Weib einen
Mann haben müs/ Kan auch kein Mensch (Er werd dann
zum Engel vñ bleib kein Mensch mehr) dem trieb der Na-
tur